

Statistički podaci PLIP-a za april 2003. godine

Agencije PLIP-a (OHR, UNHCR, OSCE, CRPC) najavile su danas da je na kraju mjeseca aprila 2003. godine u cijeloj Bosni i Hercegovini riješeno 80% imovinskih zahtjeva.

U Federaciji Bosne i Hercegovine riješeno je 84% imovinskih zahtjeva; u Republici Srpskoj riješeno je 74%, dok je Distrikt Brčko dostigao 85% riješenih imovinskih zahtjeva. Od ukupno 228.179 imovinskih zahtjeva podnesenih u BiH, 46.000 zahtjeva je još u fazi rješavanja kod lokalnih stambenih organa.

Povećanje u odnosu na prethodni mjesec je 2%. U toku narednih mjeseci se očekuje da će stambeni uredi u cijeloj zemlji ubrzati tempo provedbe imovinskih zakona. Izgleda da su lokalni organi ozbiljno pristupili zadatku izvršenja procesa vraćanja imovine do kraja ove godine, s tim da je potrebno da udvostruče napore u ljetnim mjesecima.

Svakog mjeseca se grupi koja je riješila sve imovinske zahtjeve priključuju nove općine. U mjesecu aprilu još 4 općine su okončale proces povrata imovine, što sada ukupno iznosi 32 općine, dok je 19 općina izvršilo povrat imovine u iznosu od preko 95%.

Nakon uvođenja "Općinskih smjernica PLIP-a za postizanje visoke stope izvršenja imovinskih zakona" od svih općina se očekuje da slijede ovakve primjere, te da potvrde da su u narednim sedmicama i mjesecima ispunile sve zakonom predviđene obaveze.

Kliknite [ovdje da vidite statističke podatke PLIP-a za april 2003. godine.](#)